

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা
জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার
সংখ্যা-৭৭/২০১৯-২০২০
ঢাকা, ১০ অক্টোবর বৃহস্পতিবার ২০১৯, ২৫ আশ্বিন ১৪২৬
আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

- ১। অনিয়ম দুর্নীতি দূর করতে সরকার কঠোর অবস্থান নিয়েছে : কিশোরগঞ্জে রাষ্ট্রপতি
- ২। আবরার হত্যাকারীদের রাজনৈতিক পরিচয় যাই হোক না কেন,
অবশ্যই সর্বোচ্চ শাস্তি নিশ্চিত করা হবে : সংবাদসম্মেলনে প্রধানমন্ত্রী
ফেনী নদী থেকে ১ দশমিক ৮২ কিউকেক পানি ত্রিপুরাকে দেওয়া হবে, যার পরিমাণ অত্যন্ত নগণ্য
- ৩। সরকার শিশুদের জন্য উন্নত জীবন নিশ্চিত করতে চায় : শিশু দিবসের অনুষ্ঠানে প্রধানমন্ত্রী
- ৪। দৃষ্টিপ্রতিবন্ধী চাকরি প্রার্থীদের সমস্যা সমাধানের নির্দেশ প্রধানমন্ত্রীর
- ৫। আবরার হত্যাকারীদের দৃষ্টান্তমূলক শাস্তি নিশ্চিত করতে সরকার বদ্ধপরিকর : তথ্যমন্ত্রী
- ৬। দ্রুত দারিদ্র্যহাসের শীর্ষে বাংলাদেশ : চট্টগ্রামে অর্থমন্ত্রী
- ৭। অতি দারিদ্র্য ৫ শতাংশে নামিয়ে আনা হবে : সিলেটে পররাষ্ট্রমন্ত্রী
- ৮। জি কে শামীমের কোম্পানির বন্ধ প্রকল্পে ফের টেকার হবে : গণপূর্তমন্ত্রী
- ৯। রাষ্ট্রায়ত পাটকলগুলো সচল করতে প্রাইভেট প্রতিষ্ঠানের সঙ্গে চুক্তি হবে : নরসিংহীতে বন্ধ ও পাট মন্ত্রী
- ১০। মিয়ানমারের ওপর চাপ অব্যাহত রাখতে না পারা সমন্বিত ব্যর্থতা : জাতিসংঘ প্রতিনিধি
- ১১। ভারতে গিয়ে অসুস্থ হলে মেডিকেল ভিসা লাগবে না : ভারতীয় হাইকমিশন
- ১২। বিশ্ব মানসিক স্বাস্থ্য দিবস আজ

১। অনিয়ম দুর্নীতি দূর করতে সরকার কঠোর অবস্থান নিয়েছে : কিশোরগঞ্জে রাষ্ট্রপতি

রাষ্ট্রপতি মোঃ আবদুল হামিদ অনিয়ম ও দুর্নীতির বিরুদ্ধে সরকারের চলমান অভিযান ইতিবাচক ভূমিকা রাখবে বলে আশা প্রকাশ করে দুর্নীতিবাজদের হুঁশিয়ার করে দিয়েছেন। তিনি বলেন, সমাজ থেকে অনিয়ম-দুর্নীতি দূর করতে ইতোমধ্যে সরকার কঠোর নীতি অবলম্বন করেছে। তাঁর মতে, চলমান অভিযান দেশের আর্থসামাজিক উন্নয়নে ইতিবাচক অবদান রাখবে এবং অবকাঠামোসহ উন্নয়নের সব ক্ষেত্রে গুণগতমান নিশ্চিতে ভূমিকা রাখবে। গতকাল (৯ অক্টোবর বুধবার) স্বাধীনতা ভাস্কর্য-৭১ উদ্বোধন উপলক্ষে কিশোরগঞ্জের জেলার তাড়াইলে আয়োজিত এক সুবী সমাবেশে প্রধান অতিথির বক্তৃতায় তিনি এসব কথা বলেন। সূত্র : জনকর্ত (পৃ.৩,ক.৮), ইঙ্গেফাক (পৃ.২,ক.৭), অবজারভার (পৃ.৩,ক.১), নিউজ টুডে (পৃ.১৫,ক.২)।

২। আবরার হত্যাকারীদের রাজনৈতিক পরিচয় যাই হোক না কেন,

অবশ্যই সর্বোচ্চ শাস্তি নিশ্চিত করা হবে : সংবাদসম্মেলনে প্রধানমন্ত্রী

ফেনী নদী থেকে ১ দশমিক ৮২ কিউনেক পানি ত্রিপুরাকে দেওয়া হবে, যার পরিমাণ অত্যন্ত নগণ্য

বাংলাদেশ প্রকৌশল বিশ্ববিদ্যালয়ের (বুয়েট) শিক্ষার্থী আবরার ফাহাদ হত্যাকাণ্ডের বিচারে নিজের দৃঢ় অবস্থানের কথা তুলে ধরে প্রধানমন্ত্রী শেখ হাসিনা বলেছেন, অপরাধীর রাজনৈতিক পরিচয় যাই হোক না কেন অবশ্যই সর্বোচ্চ শাস্তি নিশ্চিত করা হবে। গতকাল (৯ অক্টোবর বুধবার) প্রধানমন্ত্রীর সরকারি বাসভবন গণভবনে জনাকীর্ণ এক সংবাদসম্মেলনে তিনি বলেন, অপরাধী কোন দলের, সেটা বিবেচনায় আনা হবে না। এ হত্যাকাণ্ডের বিচার হবেই। অপরাধী অপরাধীই।

প্রধানমন্ত্রী আরো বলেন, ভারতের ত্রিপুরায় সাবরম এলাকায় খাবার পানির খুব অভাব। তারা আভারগ্রাউন্ড থেকে পানি তোলে। ভারতের সঙ্গে সম্পাদিত একটি সময়োত্তা স্মারকের আওতায় ফেনী নদী থেকে ১ দশমিক ৮২ কিউনেক পানি ত্রিপুরাকে দেওয়া হবে, যার পরিমাণ অত্যন্ত নগণ্য। এ নদী দুই দেশের সীমান্তবর্তী এলাকা দিয়ে প্রবাহিত। ফেনী নদীর গতিপথ তুলে ধরে প্রধানমন্ত্রী বলেন, এ নদীর উৎপত্তিস্থল বাংলাদেশের খাগড়াছড়ি। সেখান থেকে মাটিরাঙ্গা হয়ে ভারত-বাংলাদেশের সীমান্ত হয়ে এগিয়েছে এ নদী। সীমান্তবর্তী হওয়ার কারণে দুই দেশই ফেনী নদীর পানি ব্যবহার করে। সীমান্তবর্তী নদীতে দুই দেশেরই অধিকার থাকে। প্রধানমন্ত্রী বলেন, আমরা বিদেশ থেকে এলপিজি গ্যাস এনে প্রক্রিয়াজাত করে ভারতে রপ্তানি করব। এটা বাংলাদেশের নিজস্ব প্রাকৃতিক গ্যাস নয়। অন্য পণ্য যেমন আমরা রপ্তানি করি ঠিক তেমন। বরং রপ্তানি তালিকায় নতুন করে এলপিজি যুক্ত হলো। এতে বাংলাদেশ লাভবান হবে। সূত্র-সমকাল (পৃ.১,ক.৬), ইঙ্গেফাক (পৃ.১,ক.৫), ডেইলি সান (পৃ.১,ক.১), নিউজ টুডে (পৃ.১,ক.১)।

৩। সরকার শিশুদের জন্য উন্নত জীবন নিশ্চিত করতে চায় : শিশু দিবসের অনুষ্ঠানে প্রধানমন্ত্রী

প্রধানমন্ত্রী শেখ হাসিনা বলেছেন, তাঁর সরকারের লক্ষ্য হচ্ছে শিশুদের জন্য মাদক, জঙ্গিবাদ ও সন্ত্রাসবাদের থাবা থেকে মুক্ত উন্নত জীবন নিশ্চিত করা। বিশ্ব শিশু দিবস এবং শিশু অধিকার সংগ্রহ উপলক্ষে আয়োজিত এক অনুষ্ঠানে প্রধানমন্ত্রী একথা বলেন। গতকাল (৯ অক্টোবর বুধবার) শিশু একাডেমিতে আয়োজিত এক অনুষ্ঠানে তিনি এ কথা বলেন। প্রধানমন্ত্রী বলেন, সরকার বাংলাদেশকে একটি উন্নত ও সমৃদ্ধ দেশে পরিণত করবে যাতে আজকের শিশুরা সামনের দিনগুলোতে একটি সমৃদ্ধ ভবিষ্যৎ লাভ করে। আমরা এ লক্ষ্য অর্জনেই কাজ করে যাচ্ছি। সূত্র : ইঙ্গেফাক (পৃ.৩,ক.৫), জনকর্ত (শেষ পৃ.ক.৭), নিউ নেশন (পৃ.৩,ক.৫), নিউ এজ (শেষ পৃ.ক.২)।

৪। দৃষ্টিপ্রতিবন্ধী চাকরি প্রার্থীদের সমস্যা সমাধানের নির্দেশ প্রধানমন্ত্রীর

প্রধানমন্ত্রী শেখ হাসিনা জনপ্রশাসন মন্ত্রণালয়কে দৃষ্টিপ্রতিবন্ধী চাকরি প্রার্থীদের সমস্যা সমাধানে প্রয়োজনীয় পদক্ষেপ গ্রহণের নির্দেশ নিয়েছেন। চাকরি প্রত্যাশী দৃষ্টি প্রতিবন্ধী পরিষদের ৬ সদস্যের একটি প্রতিনিধিদল গতকাল (৯ অক্টোবর বুধবার) গণভবনে প্রধানমন্ত্রীর সঙ্গে সাক্ষাৎ করতে গেলে প্রধানমন্ত্রী এ নির্দেশ দেন। সূত্র-সংবাদ (শেষ পৃ.ক.৬), সমকাল (পৃ.২,ক.৮)।

৫। আবরার হত্যাকারীদের দৃষ্টিপ্রতিবন্ধী চাকরি প্রার্থীদের সমস্যা সমাধানের নির্দেশ প্রধানমন্ত্রী

তথ্যমন্ত্রী ড. হাছান মাহমুদ বলেছেন, বুয়েটের ছাত্র আবরার ফাহাদ হত্যাকাণ্ড ন্যূন্যাজনক ও অনভিপ্রেত। আমরা শুরু থেকেই এর তীব্র নিন্দা জানিয়েছি। যারা এ ঘটনায় দোষী সাব্যস্ত হবে, তাদের দৃষ্টিপ্রতিবন্ধী শাস্তি নিশ্চিত করতে সরকার বন্ধনপরিকর। গতকাল (৯ অক্টোবর বুধবার) সচিবালয়ে তথ্য মন্ত্রণালয়ের সভাকক্ষে টেলিভিশন শিল্পী, কলা-কৃশলী, নাট্যকার, অনুষ্ঠান নির্মাতাদের সম্মিলিত সংগঠন ফেডারেশন অভি টেলিভিশন প্রফেশনালস অর্গানাইজেশনের (এফটিপিও) নেতৃত্বন্দের সঙ্গে মতবিনিয়মকালে তিনি এসব কথা বলেন। মন্ত্রী বলেন, আবরার হত্যা মামলার সব অভিযুক্তকে পুলিশ ইতোমধ্যে গ্রেফতার করেছে। সূত্র-সমকাল (পৃ.১৯,ক.৮), যুগান্তর (পৃ.২,ক.১), নিউ নেশন (পৃ.৩,ক.১), নিউজ টুডে (শেষ পৃ.ক.১)।

৬। দ্রুত দারিদ্র্যহাসের শীর্ষে বাংলাদেশ : চট্টগ্রামে অর্থমন্ত্রী

অর্থমন্ত্রী আ হ ম মুস্তফা কামাল বলেছেন, চলতি বছরের বিশ্ব অর্থনীতির বড় সূচকগুলোতে একে একে প্রশংসনীয় অবস্থানে চলে এসেছে বাংলাদেশ। ওয়ার্ল্ড ইকোনমিক ফোরামের (ড্রিউইএফ) অন্তর্ভুক্তিমূলক উন্নয়ন সূচক অনুসারে, দ্রুততম সময়ে দারিদ্র্যহাসকারী দেশগুলোর মধ্যে বাংলাদেশের অবস্থান শীর্ষে। এশিয়ান ডেভেলপমেন্ট ব্যাংকের (এডিবি) ২০১৯ ডেভেলপমেন্ট আউটলুক অনুসারে, উচ্চপ্রবৃদ্ধির ক্ষেত্রে এশিয়া-প্যাসিফিক অঞ্চলের ৪৫টি দেশের মধ্যে শীর্ষে রয়েছে বাংলাদেশ। গতকাল (৯ অক্টোবর বুধবার) চট্টগ্রামের স্থানীয় সরকার প্রকৌশল অধিদপ্তর মিলনায়তনে আওয়ামী লীগের সাবেক সভাপতিমন্ত্রীর সদস্য আতাউর রহমান খান কায়সারের নবম মৃত্যুবার্ষিকী উপলক্ষে আয়োজিত এক আলোচনাসভায় প্রধান অতিথির বক্তব্যে তিনি এসব কথা বলেন। সূত্র : বণিক বার্তা (পৃ.২,ক.৫), যুগান্তর (পৃ.২,ক.৮)।

৭। অতি দারিদ্র্য ৫ শতাংশে নামিয়ে আনা হবে : সিলেটে পরারষ্ট্রমন্ত্রী

পরারষ্ট্রমন্ত্রী ড. এ কে আব্দুল মোমেন বলেছেন, বাংলাদেশ বর্তমানে উন্নয়নের মহাসড়কে রয়েছে। এটি সম্ভব হয়েছে প্রধানমন্ত্রী শেখ হাসিনার দূরদৃশ্য সিদ্ধান্তের ফলে। এ উন্নয়ন আরও গতিশীল করতে আগামী ৫ বছরের মধ্যে অতি দারিদ্র্যের হার ৫ শতাংশে নামিয়ে আনতে কাজ করছে সরকার। গত ৮ অক্টোবর মঙ্গলবার সিলেট চেষ্টার অভ্যন্তর্মন্ত্রী আয়োজিত এক মতবিনিময় সভায় তিনি এসব কথা বলেন। সূত্র-সমকাল (পৃ.১৩,ক.১), জনকর্ত (পৃ.১,ক.১)।

৮। জি কে শামীমের কোম্পানির বন্ধ প্রকল্পে ফের টেক্সার হবে : গণপূর্তমন্ত্রী

গৃহায়ন ও গণপূর্তমন্ত্রী শ. ম. রেজাউল করিম বলেছেন, কারাবন্দি জি কে শামীমের ঠিকাদারি কোম্পানির অধীনে বন্ধ হওয়া প্রকল্পগুলোতে আবার দরপত্র চাওয়া হবে। আগামী দুই সপ্তাহের মধ্যে সব প্রকল্পের নোটিশ দেওয়া হবে। গতকাল (৯ অক্টোবর বুধবার) সচিবালয়ে সাংবাদিকদের প্রশ্নের জবাবে তিনি এ কথা বলেন। সূত্র-সমকাল (পৃ.৫,ক.১), জনকর্ত (পৃ.১,ক.৮)। অবজারভার (শেষ পৃ.ক.১), নিউ এজ (পৃ.১,ক.৩)।

৯। রাষ্ট্রায়ন্ত পাটকলগুলো সচল করতে প্রাইভেট প্রতিষ্ঠানের সঙ্গে চুক্তি হবে : নরসিংহীতে বন্ধ ও পাট মন্ত্রী

বন্ধ ও পাট মন্ত্রী গোলাম দস্তগীর গাজী বলেছেন, দেশের রাষ্ট্রায়ন্ত পাটকলগুলো সচল ও আধুনিকায়নে পাবলিক প্রাইভেট পার্টনারশিপ (পিপিপি) এর মাধ্যমে উদোগ নেয়া হবে। এর জন্য খুব শৈত্যই সরকারের সঙ্গে প্রাইভেট প্রতিষ্ঠানগুলোর চুক্তি করা হবে। গতকাল (৯ অক্টোবর বুধবার) নরসিংহীর পলাশ উপজেলায় অবস্থিত জনতা জুট মিল পরিদর্শনশৈলে সাংবাদিকদের সঙ্গে আলাপকালে তিনি এসব কথা বলেন। এ সময় মন্ত্রী আরো বলেন, রাষ্ট্রায়ন্ত পাটকলগুলো আধুনিকায়ন না হওয়ায় দিন দিন এগুলো লোকসানের পথে যাচ্ছে। সূত্র : ইতেফাক (পৃ.১২,ক.৫), সমকাল (পৃ. ৭,ক.৫)।

১০। মিয়ানমারের ওপর চাপ অব্যাহত রাখতে না পারা সমন্বিত ব্যর্থতা : জাতিসংঘ প্রতিনিধি

বাংলাদেশে জাতিসংঘের আবাসিক সমন্বয়কারী মিয়া সেপ্লো বলেছেন, রোহিঙ্গা সংকট নিরসনে যথাযথ পদক্ষেপ নিতে মিয়ানমারকে চাপে রাখতে না পারাটা সবার সম্মিলিত ব্যর্থতা। এ ব্যর্থতা শুধু জাতিসংঘের নয়, আরো অনেকের। গতকাল (৯ অক্টোবর বুধবার) রাজধানীর বাংলাদেশ ইনসিটিউট অভ্যন্তর্ভুক্ত সংগঠন ডিপ্লোমেটিক করেসপন্ডেন্সে অ্যাসোসিয়েশন, বাংলাদেশ (ডিক্যাব) আয়োজিত এক অনুষ্ঠানে তিনি এ কথা বলেন। সূত্র : ইতেফাক (পৃ.৩,ক.৬), জনকর্ত (শেষ পৃ.ক.৩), ইভিপেনডেট (পৃ.১,ক.৫), নিউজ টুডে (শেষ পৃ.ক.৫)।

১১। ভারতে গিয়ে অসুস্থ হলে মেডিকেল ভিসা লাগবে না : ভারতীয় হাইকমিশন

ভারতে গিয়ে কোনো বাংলাদেশি অসুস্থ হয়ে পড়লে তার চিকিৎসার জন্য মেডিকেল ভিসার প্রয়োজন হবে না বলে বিবৃতি প্রকাশ করেছে ভারতীয় হাইকমিশন। গতকাল (৯ অক্টোবর বুধবার) প্রকাশিত বিবৃতিতে বলা হয়, বাংলাদেশি যারা বৈধ ভিসা নিয়ে ভারত যাবেন, তারা সেখানে অবস্থানের সময় অসুস্থ হয়ে পড়লে হাসপাতালে চিকিৎসা সেবা নিতে আর ভিসার ধরণ পরিবর্তন করতে হবে না। সূত্র-সংবাদ (শেষ পৃ.ক.৫), যুগান্তর (পৃ.২,ক.৩), অবজারভার (পৃ.৩,ক.৮)।

১২। বিশ্ব মানসিক স্বাস্থ্য দিবস আজ

বিশ্ব মানসিক স্বাস্থ্য দিবস আজ (১০ অক্টোবর বৃহস্পতিবার)। এ বছর দিবসটির প্রতিপাদ্য ‘মানসিক স্বাস্থ্যের উন্নয়ন ও আত্মহত্যা প্রতিরোধ’। এ উপলক্ষে রাষ্ট্রপতি মোঃ আব্দুল হামিদ ও প্রধানমন্ত্রী শেখ হাসিনা পৃথক বাণী দিয়েছেন। সূত্র : ইতেফাক (পৃ.২,ক.১), জনকর্ত (শেষ পৃ.ক.৩), নিউ নেশন (পৃ.৩,ক.৫), নিউজ টুডে (পৃ.৩,ক.৫)।

সম্পাদকীয়

- ক. **ইতেফাক :** নদীর তলদেশে দুই থেকে সাত মিটার অবধি পলিথিনের শর জমে যাওয়ায় কর্ণফুলী নদীর বহুল প্রত্যাশিত ক্যাপিটাল ড্রেজিং মুখ থুবড়ে পড়েছে উল্লেখ করে এ ব্যাপারে যথাযথ পদক্ষেপ নেওয়ার সুপারিশ।
- খ. **যায়যায়দিন :** সম্প্রতি যুক্তরাষ্ট্রের সাময়িকী ‘দ্য নিউইয়র্কার’কে দেয়া সাক্ষাৎকারে গড় আয়ু, নারী উন্নয়ন, শিক্ষা, জাতিগত সহাবস্থানসহ অনেক ক্ষেত্রেই বাংলাদেশ এখন ভারতের চেয়ে বেশি সফল বলে মন্তব্য করেছেন নোবেলজয়ী অর্থনীতিবিদ অর্মর্ট্য সেন।
- গ. **সমকাল :** দক্ষিণাঞ্চলের দরিদ্র জনগোষ্ঠীর জীবনমান উন্নয়নে চরাখণ্ডের নারীদের জন্য হাঁস, মুরগি ও ভেড়ার ক্ষুদ্র খামার গড়ে তোলার জন্য সরকারের উদ্যোগকে স্বাগত জানিয়ে এতে ৩৪ হাজার পরিবারের কর্মসংস্থান হবে বলে আশাবাদ প্রকাশ।
- ঘ. **যুগান্তর :** ডলারের দাম হঠাৎ ১৫ পয়সা বাড়িয়েছে বাংলাদেশ ব্যাংক উল্লেখ করে আমাদের দেশে রফতানির চেয়ে আমদানি বেশি হওয়ায় ডলারের দাম বাড়ানোর ক্ষেত্রে ভেবেচিন্তে সিদ্ধান্ত নেওয়ার সুপারিশ।
- ঙ. **ভোরের কাগজ :** আগামী ৩০ অক্টোবর পর্যন্ত ২২ দিন ইলিশ ধরা নিষিদ্ধ করেছে সরকার উল্লেখ করে প্রজনন মৌসুমে মা ইলিশ রক্ষা ও জাটকা রক্ষার পদক্ষেপ পুরোপুরি সফলভাবে বাস্তবায়িত হলে ইলিশের সুদিন আমাদের হাতছাড়া হবে না বলে আশাবাদ প্রকাশ।
- চ. **ইভিপেনডেট :** ঢাকার চারপাশের নদীগুলো দখল-দূষণ হতে সুরক্ষায় যথাযথ পদক্ষেপ নেওয়ার ওপর গুরুত্বারোপ।
- ছ. **নিউ মেশন :** অনুমোদনহীন নৌযান, ড্রবোচর এবং সংকীর্ণ নৌপথের কারণে ঢাকা-বরিশাল নৌপথ ঝুঁকিপূর্ণ হয়ে পড়েছে উল্লেখ করে এ ব্যাপারে নজর দেওয়ার সুপারিশ।

নিবন্ধ ও ফিচার

সংবাদ পত্রিকায় প্রকাশিত ‘ছাত্র রাজনীতির সুস্থ ধারা ফিরিয়ে আনাতে হবে’ শিরোনামের নিবন্ধে বলা হয়েছে, ছাত্র রাজনীতি যেভাবে কল্পিত হয়েছে, সে পরিস্থিতি হতে উত্তরণের জন্য সব রাজনৈতিক দলকে আভ্যন্তরিকভাবে এগিয়ে আসতে হবে।

#

ডালিয়া/মরজিনা/সাঈদা/রশীদ/মাসুম/২০১৯/৯.০০ঘন্টা